

山司石勒山司

石勒山司石勒

司石勒山司石勒

勒山司石勒山司石勒

山司石勒山司

石勒山司石勒

司石勒山司





山西石刻丛编

清 胡聘之 撰

山西人民出版社

2354/01

235 2 10 87 2 10
C10 10

山右石刻丛编

〔清〕胡聘之撰

山西人民出版社出版（太原并州北路十一号）

山西省新华书店发行 临汾工艺美术厂印刷

开本：787×1092 1/18印张：220字数：750千字

1988年2月第1版1988年2月临汾第1次印刷

印数：1—1200册

ISBN 7—203—00134—5

k·8（共六册）定价：56.50元

叩

劓

山

十

叢

习

齋

編

石

山西省圖書館

地方文獻

933.47

己亥仲冬付梓
辛丑季秋訖工

序

繫夫碑觀郭宋始詳善長之書石列路蒲爰見太平之記稽
宋人之寶刻采及漢周讀陶氏之叢鈔文無晉冀迨論蒐羅
於

昭代益勤研討於墨華王陸之編逮金源而攷訂孫趙所錄
斷元氏以標題論碑例者不一家集石跋者累數種皆綜佚
遺於區夏非專文獻於魏唐源夫咸豐同治以來乃有碑目
彙錄諸作自集成於通志遂包舉而鮮遺然而踵歐錄之成
規徵名爲重仿廣川之舊格結體先論豹隱未窺虹藏不見
喜汲篇之有目憾俠氏之無書且詳藝苑之譚罕及政謨之
用夫夏傳岫嶠疏道云功周勒岐陽攻同誌盛凡此刻石填
金之作足證保邦致治之規惟文采徒詡於士林故志碣止

資夫談助茲特廣加搜輯勤事參稽鐫華集一十四代而遙
率墨有七百餘篇之鉅元元本本悉有補於見聞郁郁文
詎無關於損益宏啟參墟之蘊可資晉史之求用集琬珉等
觀淵海約可考者蓋有八焉羊腸馬首徵蒙寺之文王屋析
城入法輪之記寇防安史築三堡於東陁虜控興靈城四砦
於西塞佐國王而下晉絳牛嶺先爭翊太尉而保并汾龍舟
是扼甸城路闢通饋輓於和林蒲下橋通利征行於關陝萬
戶五路殊郝傳所書九原四州補元志之闕大定之升府目
平安曰建州名胥正史所未詳取茲篇而足證則可考地域
者一也并部行臺統軍推勁洛陰車騎開府標雄唐下淮西
用雞田之族晉戰恆野資鴈塞之師顯德之捍劉宗張護國
建雄之鎮元符之禦夏寇合嵐石麟府之軍校尉列忠孝之

名指揮有永安之號以及任昌則班崇龍虎聶珪則勲懋孟
皋平陽之旅南鎮武昌聞喜之屯北移朔漠凡琢磨之有錄
彰材武之無僞則可考戎備者二也東雍建督保洛是稱北
都留司兼訓爰領穆宗遏亂招討授於晉公徽政不綱宣撫
寄之內侍太原經司詳元豐而後府中帥府述正大之年行
省推穆哩之權平章專察罕之柄提倉著於一代勸農重於
兩朝他如汾潞嘗建節旄忻絳亦爲防禦縣秩以下慶厯加
以都監府尹諸官至元必兼奧魯舉茲民吏多假武曹則可
考官制者三也秔稻桑麻繹謝悰之記薔薇芍藥和蒲尹之
詞春觀頒書園釀蒲桃之醞絳亭賞勝波凝菡萏之香蜜酒
藤花奉宣差於憲北丹粉鐵冶勞管領於交西金銀提職是
命劉瑛騏驎盈郊頌興玉律鄂城誇出磁之富華嶠有多玉

之稱則可考物產者四也晉澤一浹共仰文皇之筆霍渠千頃爰刊鎮國之碑田引龍泉于公昭德水疏鷺嶺介社留祠陽武之鑿熙甯推經營於高氏平定之開大德詳疏導於楊公渠治古堆首溯開皇之令堰修涑野人欽司馬之名五磨高興化之規三分洩滹沱之利凡浹池之所潤罄翰墨而難終則可考水利者五也紫谷柳泉場見度支之刻銀河雪苑詩留學士之題頌靈慶之堂賦逾百萬城聖惠之鎮社萃四千姚相馳車流潦敗則天之世王千起堰豐鹽復大觀之朝十井爲溝籠解梁而繚安邑萬商所輳冠秦魏而明河汾永濟廣澤之封實加完澤澹神風廟之額爰錫崇甯則可考鹽法者六也蒙元草昧封建實行平陽有尹總管代嗣厥官遼州薦朝長官世修其職節分解絳褒儀靳之勲鎮列嶂堅悉

閻劉之胄銀符作佩周侯煊赫於定襄金節臨戎史帥雍容
於河上他如遼榮之域王趙之宗闢尺土而有功胙世官而
不替洎中統之改制乃移職而無存則可考封置者七也晉
邦人士元代爲宏文毅忠諫可補提舉之碑襄懋威名能參
平蠻之記謙亨之拜廉訪在秦定恩復而還宋翼之贊禮儀
當至順親郊之際昂霄功在兩江不列鄭鼎之傳梁瑛威宣
四蜀未與郝拔並書雲南參政厯昭居敬之賢山北察廉式
著呂沆之績以及辛卯地震之異丙申淮寇之兵試博覽於
豐碑頗加詳於史牘則可考故實者八也若夫吉金之集在
重識銘博古諸編曰補箋注以論泮鹵則譏挺楹樂戈箕鼎
已就蝕亡吳鑑秦斤莫詳真偽貨泉多列難曰徵殷劍刀有
文等之自鄧尚華則無嫌組織徵實則宜從柞芟方治不沿

蓋非無爲特是深山大澤不無韞藏窮谷幽崖每阻跋涉
亭所注未盡見於元和東武成書或更廣於承叔拾遺之作
尙待後賢故夫集此琳琅在光參昴殘文未泐補家傳於河
東斷碣能撫續國記於上黨苟無關於辛史自難錄於晉陽
法帖諸班所由從關至於廣證羣書博求往籍固將使法修
執秩備典於六卿篇補嘉禾毋忘乎五正纂李璋之事實非
獵虛華緝冀部之圖經期康氓物庶幾漢人可作不興覆瓿
之談隋志有編當入集碑之卷矣光緒戊戌天門胡聘之譔

後序

汾晉之野古稱奧區太行之陰實曰地脊山叢徑雜土厚水深吉金樂石流傳實尠靳生前輩巡撫山西於今三年政通人和年豐物阜因脩通志徧拓石刻七百餘通勒成四十卷自魏迄元搜輯大備廣徵史書博采志乘條舉件繫炳炳麟麟自來攷金石者以

國朝爲極盛郡多專志代有名家而後出愈精斷推是書爲最約舉大綱其善有四可得而言焉寰宇一錄遠師夾漈秦豫兩記上紹歐陽或僅注夫方輿或止存夫題跋此則精理打本校錄舊文景伯隸釋碑陰碑側之備詳九成叢鈔大字小字之悉具剞劂蘇俗書與院體同珍珉墨椎甌里語與作家並列事蹟可攷端賴於石華賞鑑爲名迥殊於骨董其

善一也青浦萃編藝林推重然其斷代止於宋金孰知大蒙
啟運兵鋒首及於河東中統以前世鎮林立乎山右論事蹟
則宋濂王禕之史所未詳論文章則遺山莊靖之集所不盡
忽神氏族訛舛兼訂潛研成已碑銘會最且逾愛日詎可視
爲枝贅棄若弁髦此則著錄過二百篇類同偏嗜編輯成十
四卷幾半全書其善二也分省彙錄始自蘊山南海繼之於
沅湘儀徵推之於滇粵然皆存佚不分眞贋雜出崔逸開元
之製移於鬱林衡陽响嶼之文推爲夏后洵屬通人之蔽恐
爲識者所嗤此則目治爲主耳食必刪畧休有遘鄙青主谷
口之傳摹絳州天尊存大中咸通之注釋玉琢磨而益粹金
辟灌而愈精其善三也山左金石畢阮同脩萃江浙之名流
紀瑯琊之勝迹然而楚臣余義之鍾載之魯郡成周仲習之

鼎闢入齊疆下至頓印莒刀邾戈滕佛縱耕出之有地亦傳
世而在人此則齊輦子鑄出自滎河鄂史寶鉞歸於積古長
子屯留之貨漢元天福之錢法帖別行殘塼閒出不求增益
概與刪除若夫攷鐵人於晉祠訪銅鐘於天慶均歸附著獨
具別裁詎以款識日殘稍存假借何如碑碣長在藉證見聞
縱曰名從主人大可執爲通例其善四也在昔倦圃應官亭
林作客境內古刻稍稍流傳目綴於洪洞之董略編於扶風
之王高郵小種亦有微長己丑鉅編未爲盡善今也搜采靡
遺殆稱觀止勘訂益慎無愧前賢好古之摯川嶽效其靈購
奇之殷球琳同其價年經月緯探一十四代之貞珉徵事攷
文萃九十一屬之壤寶眞所謂百家之鑪橐六籍之星源矣
奎孫愛之成癖將三十年萃而爲林過一萬種謬承誣謗略

有補苴誰謂雕蟲偉望早儕夫汾霍不辭附驥小文聊學夫
洪孫云爾光緒戊戌江陰繆荃孫序

山右石刻叢編四十卷專主存并冀之文獻補諸史之闕略
不矜寶刻之宏富侈藝林之雅談前序言之詳矣始余官晉
藩卽有纂輯之志遷延未果光緒乙未調任晉撫今江安糧
道成都胡君延時爲絳縣令嘗就所得晉刻手錄原文成攷
證八卷丙申之春調居幕府以所箸求正於余因請設局編
纂而以總纂自任余深韙之於是檄通省州縣各拓境內碑
刻而輸之局數月之間居然畢致復委山西通判江甯吳君
廷燮并其兄陝西知縣廷錫與胡君分代攷證始於丙申之
秋至戊戌夏日而全書成每成一篇余必詳爲攷覈復慮或
有舛漏錄副郵致金陵乞江陰繆筱珊編修覆加釐訂筱珊
遂於金石之學又爲補輯若干條郵筒商榷再三始付剞劂
是書成於眾手而以撰輯屬之余是猶涑水通鑑夾漈通志

之例也任對寫排比之役者爲山西府經歷天津金寶瑯山
陰洪瑞牲會稽俞安之而洪之力爲多總其事者胡君也賁
刻從無箸錄有之自高郵夏君寶晉始夏撰目錄一卷胡君
因之以成是編二君皆曾爲絳縣令者信墨緣之有自矣光
緒辛丑冬日天門胡聘之記